

PNB MERDEKA VENTURES SDN. BERHAD

(517991-A)

Tingkat 19, Menara PNB, 201-A, Jalan Tun Razak, 50400 Kuala Lumpur.

Tel: 03-2050 5100 Fax: 2050 5820

UNTUK SIARAN SEGERA

PNB MERDEKA VENTURES DAN HYATT HOTELS & RESORT BAWA HOTEL PARK HYATT KE KUALA LUMPUR

Park Hyatt Kuala Lumpur akan ditempatkan di menara tertinggi Kuala Lumpur di Presint Merdeka 118 berprestij menjelang tahun 2021

KUALA LUMPUR (27 Februari 2018) – PNB Merdeka Ventures Sdn. Berhad, anak syarikat milik penuh Permodalan Nasional Berhad (PNB) yang merupakan syarikat pengurus dana terbesar di Malaysia, dan Hyatt Hotels Corporation telah mengumumkan kerjasama mereka untuk membawa jenama Park Hyatt ke pembangunan berprestij Merdeka 118 di Kuala Lumpur.

Dijangka siap sepenuhnya pada tahun 2021, hotel mewah ini akan berada di 17 tingkat teratas PNB 118, yang merupakan menara setinggi 118 tingkat yang dinanti-nantikan persiapannya. Menara ikonik ini bersebelahan Stadium Merdeka iaitu tempat bersejarah pengisytiharan kemerdekaan Malaysia pada tahun 1957 yang merupakan khazanah negara dan tapak warisan yang diiktiraf oleh UNESCO. PNB 118 ini bakal memberi nafas baharu kepada wajah Kuala Lumpur dimana ia akan menjadi menara pencakar langit yang tertinggi di Asia Tenggara dan yang ketiga tertinggi di dunia apabila siap pada tahun 2020 nanti.

Dalam ucapan aluan beliau di upacara menandatangani perjanjian hari ini di Grand Hyatt Kuala Lumpur, Pengerusi Kumpulan PNB, Tan Sri Abdul Wahid Omar berkata, “PNB telah menggambarkan pembangunan berintegrasi di tengah-tengah tapak Warisan Kebangsaan ini akan memperkukuhkan kedudukan Kuala Lumpur sebagai sebuah bandaraya yang kaya dengan aspek sejarah dan inovasi, seterusnya menambah nilai tarikan bandaraya ini sebagai destinasi pelaburan dan pelancongan. Park Hyatt merupakan jenama antarabangsa terkenal yang sinonim dengan kemewahan dan menawarkan program-program seni, makanan dan minuman yang unggul. Jenama ini terdapat di bandar-bandar terkemuka di serata dunia termasuklah New York, Paris, Dubai, Sydney, Buenos Aries, Tokyo, Seoul dan kini di Kuala Lumpur. Kami amat mengalu-alukan kedatangan Park Hyatt Kuala Lumpur ke Menara PNB 118 dan menjadikan Kuala Lumpur antara destinasi utama yang mempunyai kehadiran jenama ini”.

“Hyatt Hotels turut berkongsi visi PNB untuk menjadikan tapak warisan ini sebagai salah satu lokasi rebutan ramai. Dengan memperkenalkan perkhidmatan serba mewah, kami yakin Park Hyatt Kuala Lumpur akan menyerlahkan lagi tarikan PNB 118 dan membantu dalam menjadikannya destinasi perniagaan dan gaya hidup yang unggul di Kuala Lumpur,” tambah Tan Sri Wahid.

Park Hyatt Kuala Lumpur adalah syarikat pertama yang bakal menyertai visi PNB dalam memberi nafas baharu kepada kawasan ini di Kuala Lumpur. Mercu tanda terbaharu di Malaysia ini bakal menjadi lokasi di mana budaya klasik dan kontemporari wujud bersama. Kawasan ini menempatkan tempat-tempat bersejarah dan diperingati seperti Stadium Merdeka, Stadium Negara, Sekolah Victoria Institution atau 'VI', Stadium Chin Woo dan Kuil Kuan Yin.

"Kami berasa amat teruja dengan kolaborasi bersama PNB Merdeka Ventures Sdn. Berhad dan menyokong visi mereka untuk terus meletakkan Kuala Lumpur sebagai satu destinasi yang bersejarah dan juga inovatif," kata David Udell, Pengerusi Kumpulan - Hyatt Hotels Corporation, Asia Pasifik. "Park Hyatt Kuala Lumpur yang baharu ini akan menjadi satu destinasi mewah di puncak yang tinggi dan akan menawarkan ketenangan kepada pengunjung-pengunjung tempatan dan juga dari luar negara. Kami amat gembira melihat hotel berjenama Park Hyatt pertama di Malaysia akan berada di salah satu menara ikonik bandar ini."

Kesemua cawangan Hotel Park Hyatt di serata dunia menawarkan keselesaan dan bilik-bilik yang disediakan menggabungkan aspek sofistikated dan keselesaan residensi mewah. Park Hyatt Kuala Lumpur bakal menawarkan 232 buah bilik tetamu, termasuk 28 buah *suite* dan 30 buah pangsapuri servis. Hotel berkeluasan anggaran 20,000 kaki persegi ini dilengkapi ruang persidangan yang indah dan sesuai untuk pelbagai acara, yang berinspirasikan keselesaan dan kualiti yang dikaitkan dengan reka bentuk residensi mewah. Demi memenuhi citarasa istimewa para pengunjung, hotel ini akan menawarkan restoran yang boleh menempatkan 170 orang tetamu dan beroperasi sepanjang hari, dan juga sebuah 'sky bar and restaurant' yang boleh memuatkan 250 orang tetamu. Mengekalkan identiti Park Hyatt, Ruang Santai atau 'Ruang Tamu' yang boleh menempatkan 90 orang tetamu akan berada di tengah-tengah hotel, menggalakkan para pengunjung untuk bersantai dan beramah mesra. Dari segi aspek kesihatan pula, para tetamu Park Hyatt boleh menikmati keselesaan spa dengan enam bilik rawatan dan juga menggunakan pusat kecergasan yang dilengkapi peralatan canggih serta menenangkan diri di kolam renang yang berlatarkan pemandangan Kuala Lumpur yang menawan.

PNB Merdeka Ventures Sdn. Berhad adalah pemilik Presint Merdeka 118. Projek penting ini merangkumi: PNB 118, sebuah menara yang meliputi 3 juta kaki persegi, di mana 1.65 juta kaki persegi adalah ruangan pejabat yang boleh disewa, Hotel Park Hyatt dan juga dek pemerhatian. PNB Merdeka Ventures mempunyai beberapa projek dalam perancangan termasuklah: sebuah pusat membeli belah; sebuah teater yang mampu menampung 1,000 orang penonton yang menyediakan ruangan sesuai bagi pameran budaya dan seni teater serta persembahan muzik dan hiburan; sebuah dewan mewah sesuai untuk menampung sehingga 2,000 orang tetamu; dan sebuah 'Linear Park' 3-ekar bercirikan air, sebagai ruang terbuka awam berlatarkan keindahan Menara PNB 118 untuk dinikmati rakyat Malaysia dan para pengunjung.

Menara PNB 118 dijangka akan siap dibina pada tahun 2020 dan akan dibangunkan bersama perancangan infrastruktur yang menyeluruh demi memudahkan perjalanan ke Presint tersebut sama ada menggunakan kenderaan awam atau kereta persendirian. Stesen Merdeka Mass Rapid Transit ("MRT") sudah mula beroperasi. Pembinaan-pembinaan asas bagi PNB 118 telah disempurnakan dan pembangunan-pembangunan infrastruktur akan bermula pada awal tahun 2018 yang merangkumi dua terowong bawah tanah yang memberi akses terus kepada Menara ini. Pembangunan akan disempurnakan dengan pembinaan beberapa laluan akses jalan melalui Lebuhraya Persekutuan dan Lebuhraya Duke 3 yang mewujudkan kemudahan untuk menuju ke kawasan pembangunan ini dan juga keluar daripada kawasan tersebut.

-TAMAT-

Mengenai PNB Merdeka Ventures Sdn. Berhad

PNB Merdeka Ventures Sdn. Berhad ditubuhkan pada bulan Jun 2000 dan merupakan pemilik tanah Merdeka 118, yang turut merangkumi Stadium Merdeka dan Stadium Negara. Kedua-dua stadium tersebut telah disenaraikan sebagai tapak "Warisan Kebangsaan" pada Oktober 2005 di bawah Akta Warisan Kebangsaan 2005. Semenjak dari itu, PNB Merdeka Ventures telah menjalankan pelan pemuliharaan yang teliti, membolehkan Stadium Merdeka meraih anugerah Kecemerlangan Program Pemuliharaan Warisan Kebudayaan (Asia Pacific) UNESCO pada tahun 2008.

Mengenai Permodalan Nasional Berhad (PNB)

Permodalan Nasional Berhad (PNB) adalah syarikat pengurusan dana terbesar di Malaysia dengan aset di bawah pengurusan (AUM) yang kini mencapai lebih RM279 bilion. Portfolio PNB meliputi pelaburan strategik dalam syarikat korporat terkemuka Malaysia, ekuiti global, pelaburan swasta dan hartanah. Untuk maklumat lanjut, sila layari www.pnb.com.my.

Mengenai Park Hyatt

Hotel-hotel Park Hyatt menyediakan servis penginapan yang elegan dan mewah bagi para tetamu yang terkemuka dan berkemampuan. Para tetamu di hotel-hotel Park Hyatt menerima perkhidmatan peribadi khas dalam persekitaran selesa. Terletak di beberapa destinasi utama di seluruh dunia, setiap hotel Park Hyatt direka khas untuk menggabungkan kecanggihan dengan identiti serantau yang tersendiri. Hotel Park Hyatt menawarkan bilik-bilik yang serba lengkap, bilik mesyuarat dan ruang acara khas untuk berkumpul, program seni, makanan dan minuman yang diiktiraf, serta menawarkan restoran mewah oleh chef-chef yang bertaraf antarabangsa. Kini, terdapat 41 buah hotel Park Hyatt di lokasi-lokasi berikut: Abu Dhabi, Bangkok, Beaver Creek, Beijing, Buenos Aires, Busan, Canberra, Changbaishan, Carlsbad, Chennai, Chicago, Dubai, Goa, Guangzhou, Hamburg, Hangzhou, Hyderabad, Istanbul, Jeddah, Maldives, Mallorca, Melbourne, Mendoza, Milan, Moscow, New York, Ningbo, Paris, Saigon, Sanya, Seoul, Shanghai, Siem Reap, St Kitts, Sydney, Tokyo, Toronto, Vienna, Washington, DC, Zanzibar, Zurich. Untuk maklumat lanjut, sila layari parkhyatt.com. Ikuti @ParkHyatt di Facebook, Twitter dan Instagram, dan tag foto dengan #LuxuryIsPersonal.

Mengenai Hyatt Hotels Corporation

Hyatt Hotels Corporation, yang beribu pejabat di Chicago, adalah syarikat hospitaliti global terkemuka dengan portfolio 13 jenama utama. Setakat 30 September 2017, portfolio Syarikat termasuklah 739 buah hartanah di 57 buah negara. Matlamat penubuhan Syarikat iaitu untuk memberi layanan terbaik kepada para pelanggan menjana aspek perniagaan dan strategi pertumbuhan mereka dan bertujuan untuk menjana nilai bagi para pemegang saham, mewujudkan hubungan bersama pelanggan dan menarik rakan perniagaan terbaik dalam industri. Anak-anak Syarikat membangun, memiliki, mengendalikan, menguruskan, membuka francais, lesen atau menyediakan perkhidmatan kepada hotel, resort, kediaman ternama dan hartanah milikan percutian, termasuk di bawah **Park Hyatt®**, **Miraval®**, **Grand Hyatt®**, **Youz®**, **Hyatt Centric®**, **The Unbound Collection by Hyatt®**, **Hyatt Place®**, **Hyatt House®**, **Hyatt Ziva™**, **Hyatt Zilara™** dan jenama-jenama **Hyatt Residence Club®** dan bertempat di enam buah benua. Untuk maklumat lanjut, sila layari www.hyatt.com.

Dikeluarkan oleh:

PNB Merdeka Ventures Sdn. Berhad

Untuk maklumat lanjut, sila hubungi:

Liza Karim – Ketua, Komunikasi
PNB Merdeka Ventures Sdn. Berhad

Tel: +603-2050 5100 | Faks: 03-2050 5820 | E-mel: lizakarim@pnb.com.my

Karen Chung, Pengarah Komunikasi Korporat, Asia Pasifik, Hyatt Hotels and Resorts

Tel: +852 2768 1234 | E-mel: karen.chung@hyatt.com